



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA 12

ISIXHOSA ULWIMI LOKUQALA OLONGEZELELWEYO (FAL)

IPHEPHA LESITHATHU (P3)

NOVEMBA 2023

AMANQAKU: 100

IXESHA: liyure 2½

Olu viwo lunamaphepha asi-7.



IMIYALELO NENGACISO

1. Eli phepha linamaCANDELO AMATHATHU:



ICANDELO A:	Isincoko	(50)
ICANDELO B:	Umhlathi omde	(30)
ICANDELO C:	Umhlathi omfutshane	(20)

2. Phendula umbuzo ube MNYE kwiCANDELO ngaLINYE.
3. Bhala ngolwimi ohlolwa ngalo.
4. Qala iCANDELO ngaLINYE kwiphepha ELITSHA.
5. Yenza UYILO (umzekelo, imephu yengqondo, isazobe okanye idayagram/ iflowu tshathi/amagama angundoqo, njalo njalo), hlela uze ulungise iimpazamo kumsebenzi wakho. Uyilo maluvele PHAMBI kokubhalwa kwetekisi nganye.
6. Wonke umsebenzi woyilo mawuphawulwe njengoyilo ulungenise nomsebenzi wakho. Kuyacetyiswa ukuba ukrwele umgca onqumlezileyo kulo lonke uyilo olwenzileyo.
7. Ingcebiso malunga nolwabiwo lwexesha:
- | | |
|-------------|-------------------|
| ICANDELO A: | Imizuzu engama-80 |
| ICANDELO B: | Imizuzu engama-40 |
| ICANDELO C: | Imizuzu engama-30 |
8. Nombola iimpendulo zakho ngokuchanekileyo ngokwendlela yokunombola esetyenzisiweyo kwiphepha lemibuzo.
9. Nika impendulo nganye isihloko esichanekileyo.
10. Isihloko masingabalwa xa kubalwa amagama asetyenzisiweyo.
11. Bhala ngokucocekileyo nangokucacileyo.
- 

ICANDELO A: ISINCOKO

UMBUZO 1

Khetha isihloko sibe siNYPE kwezi zilandelayo, uze ubhale isincoko esinamagama ali-190 ukuya kuma-240.

- 1.1 Batshintsha ubomi bam ngaloo mini [50]
- 1.2 Iqonga lonxibelelwano endilithandayo [50]
- 1.3 Ngosuku lwam lokuqala ndibhala iimviwo zematriki ... [50]
- 1.4 Okuhle nokubi ngesibonelelo sikarhulumente sama-R350 [50]
- 1.5 Akakho umntu ophila yedwa ebomini [50]

Khetha umfanekiso ube MNYE kule ingezantsi ubhale isincoko. Bhala inombolo yombuzo (1.6, 1.7 OKANYE 1.8). Nika isincoko sakho isihloko esifanelekileyo.

QAPHELA: Makubekho ukuzalana okucacileyo phakathi kwesincoko nomfanekiso owukhethileyo.

1.6



[Uthatyathwe ku-www.gettyimages.com]

[50]

1.7



[Uthatyathwe ku-www.dedea.gov.za]

[50]

1.8



[Uthatyathwe ku-www.planetware.com]

[50]

AMANQAKU ECANDELO A: 50

ICANDELO B: UMHLATHI OMDE

UMBUZO 2

Khetha isihloko sibe siNYE kwezi zilandelayo ubhale umhlathi omde ngaso. Ubude mabube ngamagama angama-80 ukuya kwi-100 umxholo kuphela.

2.1 ILETA YOBUHLOBO

Bhalela umhlobo wakho owenzakeleyo ileta uvelane naye kuba engakwazanga ukubhala iimviwo.

[30]

2.2 ISIVI NELETA EYIKHAPHAYO

USive Gaga ubone esi sibhengezo singezantsi kwiphephandaba l'Solezwe lomhla wama-20 Novemba 2023. Bhala isivi neleta eyikhaphayo egameni likaSive Gaga ujonge esi sibhengezo silandelayo.

ISITHUBA SETHUTYANA SOKUBANGUMNCEDISI KATITSHALA

Okulindlekileyo kulo msebenzi:

1. Ukuncedisa abafundi ngemisebenzi yasekhaya.
2. Ukugcina abafundi bexakeke ngumsebenzi wesikolo xa engekho utitshala.
3. Ukubhala amanqakwana ngomfundi ngamnye xa kuphela ikota.

Iziqinisekiso zemfundo:

- Ibanga leshumi elinambini.
- Isatifikethi kwezonikezelo lweenkonzo ekuhlaleni (*community services*).

Izakhono:

- Isakhono sokuthetha nokubhala isiXhosa nesiNgesi.
- Isakhono sonxibelelwano.
- Isakhono sokubhala nokunikezela ingxelo.

Thumela isicelo sakho kule dilesi: Thembani High School, PO Box 564, Elliott, 5460.

[30]

2.3 I-OBHITSHUWARI

Bhala i-obhitshuwari yomdlali omthandayo weqela lebhola olixhasayo.

[30]

2.4 INTETHO ENGEKHO SESIKWENI

Ucelwe ukuba umele abafundi bebanga le-12 kwitheko lokuthi ndlela-ntle kwinqununu yesikolo. Bhala intetho engekho sesikweni oza kuyenza kweli theko.

[30]

AMANQAKU ECANDELO B: 30

ICANDELO C: UMHLATHI OMFUTSHANE

UMBUZO 3

Khetha isihloko sibe siNYE kwezi zilandelayo ubhale umhlathi omfutshane ngaso. Bhala amagama angama-60 ukuya kuma-80 umxholo kuphela.

3.1 ISIBHENGEZO-NTENGISO

Ungummeli wolutsha lwengingqi yakho. Bhala isibhengezo-ntengiso ngenkonzo (ngesevisi) yokunceda abantu bengingqi yakho ngewayifayi (*Wi-Fi*) yasimahla.

[20]

3.2 UMYALEZO OMFUTSHANE KA-WHATSAPP

Bhalela umhlobo wakho umyalezo ka-*WhatsApp* umkhumbuze ngomsebenzi wesikolo enifanele ukuwenza, umbonise nokubaluleka kwalo msebenzi kwimpumelelo yakhe kweli banga.

[20]


3.3 IZALATHISI

Imephu yezalathisi yijonge kwiphepha elilandelayo:



3.3 IZALATHISI

Bhala izalathisi zokubonisa umhlobo wakho ohamba ngeenyawo indlela esuka e*eCourthouse* eya kwisikhululo samapolisa (*Police station*). Landela iintolo ezisemephini.



[Ithatyathwe ku-www.directionmaps.com waza wahlelwa]

[20]

AMANQAKU ECANDELO C:

20

AMANQAKU EWONKE:

100



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA 12

ISIXHOSA ULWIMI LOKUQALA OLONGEZELELWEYO (FAL)

IPHEPHA LESITHATHU (P3)

NOVEMBA 2023

ISIKHOKELO SOKUMAKISHA

AMANQAKU: 100



Esi sikhokelo sokumakisha sinamaphepha ali-14.

ICANDELO A: ISINCOKO

UMBUZO 1

Imiyalelo yokumakisha

- Kweli candelo umviwa ukhetha isincoko sibe SINYE. Xa ekhethe zazibini, makisha esokuqala.
- **QAPHELA:** Umviwa angabhala naluphi udidi lwesincoko ngesihloko asikhethileyo.
- Ubude besincoko bumele ukuba kwisithuba samagama ali-190 ukuya kuma-240.
- Sebenzisa irubriki esisihlomelo A ukumakisha esi sincoko.

1.1	Isihloko:	Batshintsha ubomi bam ngaloo mini	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	Umviwa angabalisa/chaza/camngca ngomnye kule mixholo ilandelayo: • linkcukacha ngale mini. • Isiganeko/ iziganeko ezathi zehla ngayo. • Mekanike inkcaza ngale mini. • Indlela obatshintsha ngayo ubomi bakhe ngenxa yesi siganeko. • Iimvakalelo zakhe ngokutshintsha kobomi bakhe ngenxa yesi siganeko. • Isifundo esinokufundwa kwindlela obatshintsha ngayo ubomi bakhe. [Naziphi izimvo zomviwa ezisemxholweni ziya kwamkeleka.]	
			[50]



1.2	Isihloko:	Iqonga lonxibelelwano endilithandayo	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo:	Umviwa angabalisa/chaza/camngca ngomnye kule mixholo ilandelayo: • Angaqala ngokuchaza iindidi zamaqonga onxibelelwano. • Mekanike inkcaza ngeqonga lonxibelelwano alithandayo. • Izizathu ezimenza ukuba alithande. • Anganika amava akhe ngeli qonga lonxibelelwano. • Anganika isilumkiso malunga nokusetyenziswa kwalo. • Angabalula inzuzo, ekhuthaza ukusetyenziswa kwalo olu didi lweqonga lonxibelelwano. [Naziphi izimvo zomviwa ezisemxholweni ziya kwamkeleka.]	

[50]

1.3	Isihloko:	Ngosuku lwam lokuqala ndibhala iimviwo zematriki ...	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	Umviwa angachaza/camngca/ velela amacala omabini /xoxa ngomnye kule mixholo ilandelayo: • Inkcaza ngosuku lwakhe lokuqala ebhala iimviwo zematriki. • Intsingiselo yolu suku ebomini bakhe. • Okona kwakubalulekile kuye ngolu suku. • Anganika iimvakalelo zakhe zolu suku namava awawafumanayo. • Unokuvelela indlela inkqubo yakhe eluviweni ngolu suku ebenefuthe ngayo malunga nokulungela iintsuku ezilandelayo zoviwo. [Naziphi izimvo zomviwa ezisemxholweni ziya kwamkeleka.]	

[50]

1.4	Isihloko:	Okuhle nokubi ngesibonelelo sikarhulumente sama-R350	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo:	Umviwa angabalisa/chaza/camngca/ velela amacala omabini /xoxa ngomnye kule mixholo ilandelayo: • Anganika inkcaza/ ulwazi oluyimvelaphi malunga nesi sibonelelo sikarhulumente semali engama-R350. • Angachaza isizathu sokuba urhulumente akhuphe esi sibonelelo semali engama-R350. • Makaveze icala elihle necala elibi malunga nesibonelelo sikarhulumente. • Kwicala elihle angakhankanya; ukuxhamla kwabantu abangaphangeliyo kwesi sibonelelo/izinto ezizezinye ezithi zenziwe ngale mali isisibonelelo sikarhulumente ukuphucula impilo yabo bayifumanayo/ukunceda kwayo kwabaqale amashishini amancinane ngayo. • Kwicala elibi angachaza; iingxaki zokuba abantu baqhele ukuxhomekeka nokukhuthaza ubuvila/ukusetyenziswa kwaso ngurhulumente endaweni yokuveza amathuba emisebenzi/ukuthobeka kwezidima zabantu/ukusenga kwesi sibonelelo sikarhulumente kuvimba wemali yabarhafi beli lizwe. • Angalumkisa anike neengcebiso malunga neendlela zokuyinyusa okanye ukuyisebenzisa kakuhle imali esisibonelelo sikarhulumente. Naziphi izimvo zomviwa ezisemxholweni ziya kwamkeleka.]	

[50]



1.5	Isihloko:	Akakho umntu ophila yedwa ebomini	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo:	Umviwa angabalisa/chaza/camngca/ velela amacala omabini /xoxa ngomnye kule mixholo ilandelayo: • Anganika amagqabantshintshi ngentlalo yabantu ngokubanzi. • Amava akhe ngeendlela abaphila ngazo abantu. • Iinkcukacha zokuphila wedwa/zokuphilisana nabanye abantu ebomini. • Ubungozi bokuphila wedwa ebomini. • Angakhuthaza abantu ukuba baphile nabanye ebomini. • Angabonisa ukuba banakho abantu ukuziphilela bodwa ebomini, kwiimeko ezithile. [Naziphi izimvo zomviwa ezisemxholweni ziya kwamkeleka.]	

[50]

1.6	Isihloko:	Umviwa makanike isihloko sesincoko sakhe.	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo:	Umviwa angabalisa/chaza/camngca/velela amacala omabini/xoxa ngomnye kule mixholo ilandelayo. • Angathetha ngeendidi zemisebenzi ngokubanzi. • Angachaza udidi lomsebenzi wezandla ngokwasemfanekisweni. • Angakhankanya imisebenzi ebifudula isenziwa ngabantu besini esithile. • Anganika ulwazi ngemeko yezopolitiko eMzantsi Afrika nebangele ukuba abantu basetyhini nabo baxhamle kumathuba avulelekileyo kwimisebenzi ethile. • Amava okanye ulwazi malunga nokunqongophala kwemisebenzi. • Anganika iingcebiso malunga nokunokwenziwa ukuze ulutsha olungabasetyhini lufumane imisebenzi ebikade yonganyelwe ngabantu abangamadoda kuphela. • Iinkcukacha ngezakhono ezifunekayo nezinokuba-luncedo kumanina. • Umviwa angasitolika ngokwentsingiselo efihlakeleyo isihloko. [Naziphi izimvo zomviwa ezisemxholweni ziya kwamkeleka.]	

[50]

1.7	Isihloko:	Umviwa makanike isihloko sesincoko sakhe.	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	Umviwa angabalisa/chaza/camngca/velela amacala omabini/xoxa ngomnye kule mixholo ilandelayo: • Anganika ulwazi ngemvelaphi yesixhobo sokuphehla umbane ngokwasemfanekisweni. • Angachaza iimeko zokunqongophala kwezakhiwo eziphehla umbane. • Angathetha ngeentlobo ezintsha zokuzisa umbane nezinokuba sisisombululo kwingxaki yombane. • Anganika inzuzo efumaneka ekusebenziseni isola njengesisombululo kucimo-kongiwa kombane. • Angachaza ifuthe lemozulu kwiindawo ezisebenzisa isola. • Unokuchaphazela ifuthe elibi leengxaki zombane kwezoqoqosho nakwintlobo yoluntu ngokubanzi, kungenjalo avelele uncedo lobuxhakaxhaka bokuphehla umbane kwezoqoqosho. • Angathetha ngeengxaki zombane. • Umviwa angasitolika ngokwentsingiselo efihlakeleyo isihloko. [Naziphi izimvo zomviwa ezisemxholweni ziya kwamkeleka.]	

[50]

1.8	Isihloko:	Umviwa makanike isihloko sesincoko sakhe.	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lwesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	Umviwa angabalisa/chaza/camngca/velela amacala omabini/ xoxa ngomnye kule mixholo ilandelayo: • Anganika ulwazi malunga namaxesha onyaka ngokubanzi. • Angathetha ngexesha lasebusika neempawu ezibonakalisa ukufika kweli xesha lonyaka. • Angaveza ubuhle bendalo xa kukho ikhephu nenzuzo yabo eluntwini. • Angathetha ngengqele/ngekhephu nefuthe layo kwimpilo yabantu. • Angakhankanya indlela ezichaphazeleka ngayo ezinye izilwanyana ngexesha lasebusika. • Angabalula iindidi zekhephu ngokweendawo elifumaneka kuzo ehlabathini. • Angathetha ngawakhe amava ngexesha lasebusika okanye ikhephu. • Angabalula iimvakalelo zakhe ngexesha lasebusika. • Umviwa angasitolika ngokwentsingiselo efihlakeleyo isihloko. [Naziphi izimvo zomviwa ezisemxholweni ziya kwamkeleka.]	

[50]

IIMPAWU ZESINCOKO

Isincoko esibalisayo sibhalwa kumntu wokuqala okanye owesithathu.

- Masisebenzise ixesha eladlulayo/elidlulileyo/elimiyiyo.
- Masibonise ulwazi ngesihloko asikhethileyo.
- Abalinganiswa, isimo sentlalo, izizathu zokuhla kwezehlo ukuya kwisiphelo, mazibonakale.
- Iziganeko zichazwe/zibaliswe ngokulandelelana kwazo okanye zicace ezingunobangela wezinye, kungenjalo angasebenzisa izixhobo ezifana nophuphelo okanye ukuqala ngesenzo esingekeli/sokugqibela.
- Sisebenzisa amagama abonisa ixesha afana noo-emva, phambi, ngeli xesha.
- Sisebenzisa intetho yababini/ukuzithethela kwabalinganiswa.
- Ulwimi olusetyenzisiweyo malube lolokudala ifuthe noluchukumisayo kofunda isincoko, lungekrwada phofu.

Isincoko esichazayo sinokubhalwa ngokwexesha elidlulileyo okanye elangoku.

- Sichaza into/umntu/indawo/imeko, njalo njalo.
- Sisebenzisa amagama okudala umfanekiso.
- Sisebenzisa izixhobo zokuchaza ezifana nezichazi, imifanekiso-ntelekelelo, izihlomelo, neziphuhlisayo ezifana nezifanekisozwi.
- Sisebenzisa imifanekiso-ntelekelelo nezafobe zentetho.
- Sivakalisa iimvakalelo zombhali.

Isincoko esicamngcayo:

- Siveza uvakalelo lombhali ngesigama esibonakalisa amava akhe.
- Siveza uchukumiseko ngomba ekubhalwa ngawo.
- Uvakalelo olungundoqo ludlala indima enkulu.
- Ubukhulu becala esi sincoko siyacamngca. (Sisebenzisa izixhobo zokuchaza nokuzoba imeko ezifana nezichazi, imifanekiso-ntelekelelo, izihlomelo, neziphuhlisayo ezifana nezifanekisozwi kwakunye nezafobe zentetho).
- Uvakalelo lombhali maluveze ukunyaniseka kunye nokubandakanyeka.

Isincoko esixoxela icala elinye:

- Umviwa uthatha icala ngomba othile.
- Uthotho lweengxoxo—oludla ngokuba kwimo engengcaciso ngeengongoma ezithile.
- Ukubethelela—isishwankathelo nokuphindelela kwinkcazelo engoluvo oluthile lokuvula.
- Kwingxoxo yakhe unika ubungqina obuxhasayo obusenokuba ngamanani okanye ukucaphula kumava anawo ayinyani.
- Usenokuxoxela okuthile echasa enika ubungqina obuxhasayo.
- Isiphelo sisenokuba sisishwankathelo neengcebiso.

Isincoko esivelela amacala omabini:

- Inkcazelo inokuba ngengxoxo ephambili.
- Umviwa uwaphatha omabini amacala engxoxo.
- Uxoxela okuthile enika ubungqina obuxhasayo.
- Unokulandela isakhiwo esithi umhlathi umela uluvo oluvumayo, kolandelayo, luchase, kungenjalo avume ekuqaleni komhlathi aze achase ekupheleni, kodwa makalunike olwakhe uluvo xa evala.
- Unokuxoxela okuthile echasa/evuma enika ubungqina obuyinyani obuxhasayo.
- Isiphelo – ingasisishwankathelo neengcebiso.
- Makabonise ulwazi ngesihloko nangomba axoxa ngawo.

[50]

AMANQAKU ECANDELO A: 50

ICANDELO B: UMHLATHI OMDE

Imiyalelo yokumakisha

- Kweli candelo umviwa ukhetha umhlathi ube MNYE. Ukuba ukhethe yamibini, makisha owokuqala.
- Ubude bomhlathi omde mabube ngamagama angama-80 ukuya kwi-100 umxholo kuphela.
- Sebenzisa irubriki esisihlomelo B ukumakisha lo mhlathi.

UMBULO 2


2.1 ILETA YOBUHLOBO

- Idilesi inye yeyomntu obhala ileta.
- Isibuliso – sesifanelekileyo, ileta iya kumhlobo wakhe.
- Intshayelelo, isiqu nesiphelo mazahluke zicace.
- Ithoni nerejista mazibonakalise ukuba ubhalela umhlobo wakhe.
- Umxholo mawube malunga nokuvelana nomhlobo wakhe owenzakeleyo nongakwazanga ukubhala iimviwo.
- Kwisiphelo kubhalwa igama kuphela.
- Izingxi azisetyenziswa kwidilesi, isibuliso nesiphelo.

[30]



2.2 ISIVI NELETA EYIKHAPHAYO



- lidilesi zimbini (eyokuqala isekoneni kwicala lasekunene yile yalo ubhala ileta, eyesibini isekhohlo yile yalo ileta iya kuye.)
- Isibuliso esindilisekileyo.
- Umcimbi okhankanya isicelo somsebenzi (isithuba sethutyana).
- Umhlathi wokuqala ochaza injongo yale leta ihambelana nokubhalwe kumcimbi ukwaveza nomthombo ebesibhengezwe kuwo esi sithuba mawuvele.
- Kumhlathi olandelayo makuvele ulwazi analo lokwenza lo msebenzi, izakhono nobuchule anabo, iziqinisekiso zemfundo neenjongo zakhe ngawo.
- Umhlathi oqukumbelayo ukhombisa lowo ufunda ileta ngeenkukacha ezibhalwe kwiSivi.
- Isiphelo esichanekileyo esihambelana nohlobo lweleta, sibandakanya igama nefani yalo mntu ofaka isicelo.
- ISivi mayiquke ezi zinto zilandelayo: linkcukacha ngaye. Umhla wokuzalwa, ubuzwe, inombolo yesazisi, idilesi, inombolo yemfonomfono, isini osiso, isimo sempilo.
- Makuvele ukuba unolwazi neziqinisekiso zeelwimi ezikhankanywe kwisibhengezo (IsiXhosa nesiNgesi).
- Izinqinisekiso zemfundo anazo: zihlengahlengiswe ngokweminyaka.
- Amava anawo omsebenzi kunye nezinto anomdla kuzo.
- Abantu abanokunika ulwazi ngaye (abantu abanokukungqina).

[30]

2.3 I-OBHITSHUWARI

- Igama elipheleleyo; umhla wokuzalwa; indawo awazalelwa kuyo, abazali bakhe; ukukhula kwakhe, umhla wokusweleka.
- Ukufunda kwakhe; ukusebenza kwakhe ukuba ebesebenza.
- Izinto azibalule ngazo kwezemidlalo.
- Usapho alushiya ngasemva (abazali, iqabane lakhe, abantwana, abantakwabo).
- Amazwi amkhaphayo.

[30]

2.4 INTETHO ENGEKHO SESIKWENI

- Mabakhankanywe abantu abakhoyo xa isithethi sibulisa.
- Isithethi sizazise.
- Mayivele imo yesithethi novakalelo lwaso.
- Usuku, umhla nendawo mazixelwe.
- Injongo yentetho mayixelwe.
- Mayivakale intshayelelo, isiqu nesiphelo.
- Umxholo mawube ngowokuthi ndlela-ntle kwinqununu yesikolo ethetha egameni labafundi.
- Ulwimi malube lolungekho sesikweni.



[30]

AMANQAKU ECANDELO B: 30

ICANDELO C: UMHLATHI OMFUTSHANE

Imiyalelo yokumakisha

- Kweli candelo umviwa ukhetha umhlathi ube MNYE, aze athi ukuba ukhethwe yamibini, umakisha owokuqala.
- Ubude bomhlathi omfutshane ngama-60 ukuya kuma-80 amagama umxholo kuphela.
- Sebenzisa irubriki esisihlomelo C ukumakisha lo mhlathi.

UMBUZO 3

3.1 ISIBHENGEZO-NTENGISO

- Isihloko sesibhengezo-ntengiso masibe sesitsala umdla, kusetyenziswe amagama akhethiweyo.
- Isayizi yefonti mayahluke ibhalwe ngokugqamileyo.
- Masibe nabantu esijoliswe kubo.
- linkcukacha ezifunekayo mazibhalwe ngokucacileyo.
- Umxholo mayibe ngowokwazisa ngenkonzo yewayifayi esimahla.
- Masiveze uncendo lwale nkonzo kubantu ekujoliswe kubo.
- Masichaze indlela yokunxibelelana nalapho ifumaneka khona inkonzo le yaziswayo.
- Imifanekiso nemizobo ayinamanqaku iwabelwayo.

[20]

3.2 UMYALEZO OMFUTSHANE KA-WHATSAPP

- Makuvele igama lomntu othunyelelwa umyalezo phezu kwisikrini sefowuni yomthumeli.
- Makuvele inombolo yomntu othunyelelwa umyalezo ukuba igama lakhe alikho efowunini yomthumeli.
- Makuvele umhla kunye nexesha othunyelwa ngalo.
- Umxholo mayibe ngowokhumbuza umhlobo wakhe ngomsebenzi ekufuneka wenziwe ngolu suku.
- Amazwi athundezayo/akhuthazayo anokusetyenziswa.

[20]

3.3 IZALATHISI

- linkcukacha ngendawo ekusukwa kuyo nekuyiwa kuyo mazicace zingqale.
- Izalathisi mazinikwe ngeengongoma kuphela.
- Izalathisi mazilandelelane ngokwendlela ezivela ngayo emephini.
- limpawu zendlela, amagama ezitrato neendawo eziqaphelekayo ecaleni kwendlela mazikhankanywe.
- Makusetyenziswe izenzi eziyalelayo kangangoko.

[20]

AMANQAKU ECANDELO C: 20
AMANQAKU EWONKE: 100

QAPHELA:

- Sebenzisa le rubriki rhoqo xa umakisha izincoko zephepha lesi-3, ICANDELO A.
- Amanqaku ukusukela kweli-0 ukuya kwangama-50 ahlulahlulwe ngokwamanqanaba amahlanu aphambili.
- Kwiikhrayitheriya yoMxholo, uLwimi neSimbo, inqanaba ngalinye kula mahlanu lahlulahlulwe lanomgangatho ongentla nongezantsi yanemimandla yamanqaku ahambelana nomgangatho ngamnye.
- Ikhrayitheriya yeSakhiwo yona ayichaphazeleki ngumgangatho ongentla nongezantsi.

ISIHLOMELO A: IRUBRIKI YOKUHLOLA IZINCOKO – ULWIMI LOKUQALA OLONGEZELELWEYO [50 AMANQAKU]

Ikhayitheriya		Balaseleyo	Enobuchule	Phakathi	Buthathaka	Bubhetyebhetye
UMXHOLO NOCWANGCISO		28–30	22–24	16–18	10–12	4–6
(Impendulo nezimvo) Ukubekela izimvo ngenjongo yokucwangcisa Ukubonakalisa ukuyazi injongo, abantu ekujoliswe kubo kunye nemeko	Umgangatho ongentla	-Impendulo ebalaseleyo enomtsalane, ngaphaya kobekulindelekile -Izimvo zihlakaniphile, zixhokonxa iingcinga kwaye zinemfezeko -Isincoko sibekelwe ngobuchule obungaqhelekanga kwaye intshayelelo, isiqu kwakunye nesiphelo zibonakalisa unamathelwano olunemfezeko	-Impendulo ixonxwe ngobugcisa obukhulu -Izimvo zinxulumene nomxholo kwaye zinika umdla, bukho ubungqina bemfezeko kwizimvo -lingcamango zibekelwe ngokwakhelanyayo kuquka intshayelelo, isiqu nesiphelo	-Impendulo iyanelisa ngokupheleleyo -Izimvo ziyamathelana noko kwaye zingakuguqula ukucinga kofundayo -lingcamango zibekelwe ngokunamatheleneyo kuquka intshayelelo, isiqu nesiphelo	-Impendulo ingena iphuma emxholweni akukho lunamathelwano kwizimvo -Izimvo azicacanga kwaye ezinye zazo zezemboleko -Buncinci kakhulu ubungqina bobekelwe nonamathelwano lweengcamango	-Impendulo ayikho mxholweni konke konke -Izimvo zibondene azingqalanga ntweni -Azivakali izimvo kwaye ziyaphindaphindwa/ uthetha into enye -lingcamango zibekwe xazalala azinalunxibelelwano
30 AMANQAKU	Umgangatho ongezantsi	25–27	19–21	13–15	7–9	0–3
		-Impendulo encamisileyo kodwa akukho zimpawu zakubalasela kubhekele phi kwisincoko -Izimvo zivuthiwe zixhokonxa iingcinga -lingcamango zibekelwe zandindaniswa ngobugcisa kuquka intshayelelo, isiqu kunye nesiphelo	-Impendulo ixonxwe ngobugcisa -Izimvo zisemxholweni kwaye zinika umdla -Sibekelwe ngobuchule, kukho ukunamathelana kweengcamango okuquka intshayelelo, isiqu nesiphelo	-Impendulo iyanelisa nangona kumana kubakho ukungacaci kwiindawo ezithile -Kukho ukunamathelana okubonakalayo kwizimvo kwaye kuyanelisa -Kukho ukubekelwa kweengcamango nonamathelwano kwintshayelelo, isiqu nesiphelo	-Impendulo iphumile emxholweni ubukhulu becala -Izimvo ziyaqhawu-qhawuka ziyabhidisa -Buyanqaphazeka ubungqina bokubekelwe kweengcamango nonamathelwano	-Impendulo itenxile malunga nomxholo -Izimvo zitenxile zingcwecwela kude nomxholo -lingcamango ziyingxubevange engenamgqalisela

IRUBRIKI YOKUHLOLA IZINCOKO – ULWIMI LOKUQALA OLONGEZELELWEYO [50 AMANQAKU] (isaqhubeka)

Ikhrayitheriya		Balaseleyo	Enobuchule	Phakathi	Buthathaka	Bubhetyebhetye
ULWIMI, ISIMBO & NOKUHLELA	Umgangatho ongentla	14–15 -Ithoni, irejista, isimbo, isigama zifanelene ngokugqwesileyo nenjongo, abantu ekujoliswe kubo kunye nemeko -Ulwimi lusetyenziswe ngokuzithemba, luyathabathekisa -Ithoni enomtsalane nezafobe zentetho eziphumeza injongo -Phantse kube akukho nasinye isiphene solwakhiwo zivakalisi, upelo nokusetyenziswa kolwimi -Sixonxwe ngobugcisa obukhulu	11–12 -Ithoni, irejista, isimbo, isigama zifanelene kakhulu nenjongo, abantu ekujoliswe kubo kunye nemeko -Ulwimi luchaneke ngakumbi kwaye ithoni isetyenziswe ngokuchaneke kwisincoko siphela -Iziphene zokusetyenziswa kolwimi nopelo zinqongophele -Sixonxwe ngobugcisa obukhulu	8–9 -Ithoni, irejista, isimbo, isigama sifanelene nenjongo, abantu ekujoliswe kubo kunye nemeko -Ulwimi olufanelekileyo ludlulisa umyalezo -Ithoni ifanelekile -Izafobe zentetho zinonga umxholo	5–6 -Ithoni, irejista, isimbo, isigama azifanelananga ncam nenjongo, abantu ekujoliswe kubo kunye nemeko -Ulwimi lusetyenziswa ngendlela ebuthathaka -Ithoni nochongo magama azifanelekanga -Isigama sinqongophele	0–3 -Ulwimi aluvakali -Ithoni, irejista, isimbo, isigama asifanelananga kwaphela nenjongo, abantu ekujoliswe kubo kunye nemeko -Ukunqongophala kwesigama kubaxekile kangangokuba ayinasihlahla into ebhaliweyo
15 AMANQAKU	Umgangatho ongezantsi	13 -Ulwimi luchaneke kanye nezafobe zisetyenziswe ngethoni ephumeza ukudlulisa umyalezo -Phantse kube akukho nasinye isiphene solwakhiwo zivakalisi, upelo, nokusetyenziswa kolwimi -Sixonxwe ngobugcisa obukhulu	10 -Ulwimi lunomtsalane kwaye luyaziphumeza iinjongo zokubhala -Ithoni ifanelekile kwaye iyaziphumeza iinjongo zokubhala -Zimbalwa iziphene zezakhi zezivakalisi kunye nopelo -Sixonxwe ngobugcisa	7 -Kuyanelisa ukusetyenziswa kolwimi kodwa asekho amakhwiniba -Ithoni ifanelekile kodwa izafobe zentetho ezisetyenzisiweyo zinqongophele	4 -Ukusetyenziswa kolwimi kubonisa ububhetyebhetye -Izivakalisi zinobuthathaka-azitshintsha-tshintshwa -Isigama sinqongophele ngokubalaseleyo	
ISAKHIWO		5 Isihloko sikhuliswe ngokuncamisayo -linkcukacha zibalasele ngokungaqhelekanga -Izivakalisi, imihlathi zakhiwe zaqiqisiswa ngokugqwesileyo	4 -linkcukacha ezinengqiqo zikhuliswe ngokwakhelana -Izimvo zinamathelene -Izivakalisi, imihlathi zitshintshatshintshwa ngobuchule obuqiqisisiweyo	3 -linkcukacha ezisemxholweni zikhulisiwe -Izivakalisi, imihlathi zakhiwe kuhle -Isincoko sibunjwe ngengqiqo	2 -Zikho iingcamango ezamkelekileyo -Isakhiwo sezivakalisi nesemihlathi sinamakhwiniba -Isincoko sisenayo ingqiqo	0–1 -lingcamango ezifunekayo zinqongophele -Isakhiwo sezivakalisi nesemihlathi sigxoko-gxoko -Isincoko asinangqiqo
5 AMANQAKU						
UMMANDLA WAMANQAKU		43–50	33–40	23–30	13–20	0–10

ISIHLOMELO B: IRUBRIKI YOKUHLOLA IMIHLATHI EMIDE– ULWIMI LOKUQALA OLONGEZELELWEYO [30 AMANQAKU]

Ikhayitheriya	Balaseleyo	Enobuchule	Phakathi	Buthathaka	Bubhetyebhetye
UMXHOLO, UCWANGCISO NEFOMATHI Ukungqala kwempendulo nezimvo Ukuqoqwa kwezimvo ngenjongo yokucwangcisa Injongo yokubhala, abo kujoliswe kubo, iimpawu/imigaqo yetekisi, kunye nemeko 18 AMANQAKU	15–18 -Impendulo igqwesile idlule okuqhelekileyo -Izimvo ziqiqisise kwaye zivuthiwe -Luphangalele ulwazi lweempawu zolu didi lwetekisi -Umsebenzi ungqalile uhleli emxholweni -Kukho ukunamathelana kwizimvo nomxholo -lingcamango zidakancwe ngobunono zonke iinkcukacha zixhasa isihloko -Ifomathi ifanelekile kwaye ichanekile	11–14 -Impendulo ibonakalisa ukuchaneka kanobom ulwazi olunzulu lweempawu zolu didi lwetekisi -Ingqalile ayiphumi nasemxholweni -Izimvo zixoxwe zadakancwa ngokunamatheleneyo kumxholo nezimvo -Iinkcukacha zixhasa isihloko -Ifomathi ifanelekile ineendawana ezingachanekanga ezingephi	8–10 -Impendulo iyanelisa ibonakalisa ulwazi lweempawu zolu didi lwetekisi -Izimvo ziyaphuma emxholweni kwaye kukho nokugqwidiza -Ukunamathelana kumxholo nezimvo kufanelekile -Ezinye iinkcukacha zixhasa isihloko -Ifomathi ifanelekile kodwa kusekho ukungachaneki	5–7 -Impendulo ibonakalisa ulwazi olungephi lweempawu zolu didi lwetekisi -Zimbalwa izimvo ezisemxholweni kodwa kuninzi ukuphuma ecaleni -Kunqabile ukunamathelana komxholo nezimvo -Zimbalwa iinkcukacha ezixhasa isihloko -Imigaqo yefomathi ephambili isetyenziswe ngokungaqondi -Kutyeshelwe izinto ezininzi	0–4 -Impendulo ibonakalisa ukunqongophala kolwazi lweempawu zolu didi lwetekisi -Intsingiselo ilahleka rhoqo ide iphume emxholweni -Akukho ukunamathelana kumxholo nezimvo -Zimbalwa kakhulu iinkcukacha ezixhasa isihloko -Imigaqo eyimfuneko yobhalo lwale tekisi iyeshelwe
ULWIMI ISIMBO SOKUBHALA NOKUHLA Ithoni, irejista, isimbo, injongo/ifuthe, abo kujoliswe kubo kunye nemeko Ukusetyenziswa kolwimi nemigaqo Uchongo magama limpawu zokubhala kunye nopelo 12 AMANQAKU	10–12 -Ithoni, irejista, isimbo, isigama zihambelana kakhulu nenjongo nabo kujoliswe kubo kunye nemeko -Izakhi zezivakalisi zisetyenziswe ngokuchanekileyo -Phantse kube akukho nasinye isiphene	8–9 -Ithoni, irejista, isimbo, isigama sichaneke kakhulu malunga nenjongo, abantu ekujoliswe kubo kunye nemeko -Izakhi zezivakalisi zichanekile kwaye umyalezo wakheke kakuhle -Isigama sichanekile -Ubukhulu becala akukho zimpazamo	6–7 -Ithoni, irejista, isimbo, isigama sihambelana nenjongo, abantu ekujoliswe kubo kwakunye nemeko -Izakhi zezivakalisi zibonakalisa iimposiso -Isigama siyanelisa -Iimpazamo zobhalo ezikhoyo aziyiphazamisi intsingiselo nomyalezo	4–5 -Ithoni, irejista, isimbo, nesigama azingqamani ncam nenjongo kwakunye nabantu ekujoliswe kubo kunye nemeko -Izakhi zezivakalisi zineemposiso ezininzi eziphazamisa umyalezo -Sinqongophele isigama -Kukho amagingxi-gingxi kwintsingiselo	0–3 -Ithoni, irejista, isimbo, nesigama azingqamani kwaphela nenjongo, imeko kwakunye nabantu ekujoliswe kubo -Izele ziimpazamo ixazalala -Isigama asifanelananga nenjongo -Intsingiselo ilahleke kakhulu
UMMANDLA WAMANQAKU	25–30	19–23	14–17	9–12	0–7

ISIHLOMELO C: IRUBRIKI YOKUHLOLA IMIHLATHI EMIFUTSHANE – ULWIMI LOKUQALA OLONGEZELELWEYO [20 AMANQAKU]

Ikhayitheriya	Balaseleyo	Enobuchule	Phakathi	Buthathaka	Bubhetyebhetye
UMXHOLO UKUCWANGCISA NEFOMATHI	10–12	8–9	6–7	4–5	0–3
Impendulo nezimvo Ukubekelwa kwezimvo Iimpawu zetekisi/ umgaqo kunye nemeko 12 AMANQAKU	-Impendulo igqwesile ibonisa ukuqeqesiswa kwezimvo -Izimvo zihlakaniphile kwaye zivuthiwe -Luphangalele ulwazi lweempawu zolu didi lwetekisi -Umsebenzi ungqalile akukho kugqwidiza -Kubonakala ukunamathelana kwizimvo nomxholo -lingcamango zidakancwe ngobunono kwaye zonke iinkcukacha zixhasa isihloko -Ifomathi ifanelekile kwaye ichanekile	-Impendulo ibonakalisa ukuchaneka kanobom ulwazi olunzulu lweempawu zolu didi lwetekisi -Ingqalile ayiphumi nasemxholweni -Izimvo zixoxwe zadakancwa ngokunamatheleneyo kumxholo nezimvo -Iinkcukacha zixhasa isihloko -Ifomathi ingqalile iindawana ezikhoyo ezingachanekanga aziyphezamisani injongo yokubhala	-Impendulo iyanelisa ibonakalisa ulwazi lweempawu zolu didi lwetekisi -Izimvo azisoloko zisemxholweni kwaye kukho nokugqwidiza -Ukunamathelana kumxholo nezimvo kwenzeka ngokufanelekileyo -Ezinye iinkcukacha zixhasa isihloko -Ifomathi ingqalile kodwa zikho iindawana ezingachanekanga	-Kubonakala ubunzima malunga nolwazi lweempawu zolu didi lwetekisi -Zimbalwa izimvo ezisemxholweni kodwa kuninzi ukuphuma ecaleni -Kunqabile ukunamathelana komxholo nezimvo -Zimbalwa iinkcukacha ezixhasa isihloko -Imigaqo yefomathi ephambili ityeshelwe okanye isetyenziswe ngokungaqondi	-Impendulo ibonakalisa ukunqongophala kolwazi lweempawu zolu didi lwetekisi -Intsingiselo ilahleka rhoqo. -Intsingiselo iduka kwisakhiwo esixazalala -Akukho ukunamathelana kumxholo nezimvo -Zimbalwa kakhulu iinkcukacha ezixhasa isihloko -Imigaqo eyimfuneko yobhalo lwale tekisi ityeshelwe
ULWIMI, ISIMBO NOKUHLA	7–8	5–6	4	3	0–2
Ithoni, irejista, isimbo, nesigama singqamene nenjongo kunye nemeko Ukusetyenziswa kolwimi nemigaqo Ukhetho- magama limpawu zokubhala kunye nopelo 8 AMANQAKU	-Ithoni, irejista, isimbo, isigama zifanelene kakhulu nenjongo, abo kujoliswe kubo kunye nemeko -Izakhi zezivakalisi zisetyenziswe ngokuchanekileyo -Phantse kube akukho nasinye isiphene	-Ithoni, irejista, isimbo, nesigama zifanelene kakhulu nenjongo, abantu ekujoliswe kubo kunye nemeko -Izakhi zezivakalisi zichanekile kwaye umyalezo wakheke kakuhle -Isigama sichanekile -Ubukhulu becala azikho iimpazamo	-Ithoni, irejista, isimbo, isigama zifanelene nenjongo, abantu ekujoliswe kubo kwakunye nemeko -Izakhi zezivakalisi zibonakalisa iimposiso -Isigama siyanelisa -Iimpazamo zobhalo ezikhoyo aziyphezamisani intsingiselo	-Ithoni, irejista, isimbo, nesigama azifanelananga ncam nenjongo, abantu ekujoliswe kubo kunye nemeko -Izakhi zezivakalisi zineemposiso ezininzi eziphazamisani umyalezo -Sinqongophele isigama -Kukho amagingxi-gingxi kwintsingiselo	-Ithoni, irejista, isimbo, nesigama azifanelananga kwaphela nenjongo, imeko kwakunye nabantu ekujoliswe kubo -Izele ziimpazamo ixazalala iyadida -Isigama asihambelani nenjongo -Intsingiselo ilahlekile kakhulu
UMMANDLA WAMANQAKU	17–20	13–15	10–11	7–8	0–5